

Auf de schwäbsche Eisebahne

Volkslied aus Schwaben

Volkswaise aus Baden
„Boxberg ist ein schönes Städtchen“

*Lustig
Einer:*

1. Auf de schwäbsche Ei - se - bah - ne gibts gar vie - le Halt - sta - tio - ne:

Schtue - gert, Ullm ond Bi - ber - ach, Me - de - beu - re, Dur - les - bach.

Alle:
Tru - la, tru - la, tru - la - la, tru - la, tru - la, tru - la - la,

Schtue - gert, Ullm ond Bi - ber - ach, Me - de - beu - re, Dur - les - bach.

2. Auf de schwäbsche Eisebahne
wollt emol a Bäuerle fahre,
geht an Schalter, lupft de Huet:
„Oi Billette, seid so guet!“
Trula ... geht an Schalter ...

3. Einen Bock hat er si kaufet
und daß der ihm net verlaufet,
bindet en der guete Ma
an de hintre Wage na.
Trula ...

4. „Böckle, tue nuer woidle springe,
's Fresse wer' i dir scho bringe.“
Zündt sei stinkichs Pfeifle a,
hockt si zu sei'm Weible na.
Trula ...

5. Wia der Zug no wieder staut,
d'r Bauer nach sei'm Goißbock schaut,
findt er bloß no 'n Kopf un 's Soil
an dem hintre Wagedoil.
Trula ...